

金史紀事本末

金史紀事本末卷三十二

馳封資政大夫 特賞內閣中書前江西峽江訓導萍鄉李有棠編纂

世宗朝宰輔

世宗大定元年冬十一月辛未以戶部尙書李石爲

參知政事石字子堅遼陽人貞懿皇后弟先世仕遼

爲宰相父綽爾齊

原作雛訛只攷吳汪輝祖金史同
名錄云卷八十一夾谷謝奴傳猛

安卷八世宗紀大定二十三年縣令第七十
三宗尹傳大定二年萬戶四人同名雛訛只桂州觀

察使高永昌據東京叛攻之不克死石敦厚寡言器

識過人天會中官景州刺史海陵遷燕京入見指之

曰此非葛王之舅乎葛王謂世宗也尋除興中少尹

託疾歸海陵使高存福圖世宗石知之勸其先發從之至是以定策功拜參政納其女後宮生鄭王永蹈衛王永濟是為元妃

二年春正月庚午以濟南尹布薩原作僕散忠義為尙書

右丞忠義本名烏哲原作烏者攷異汪輝祖金史同

滕王府長史姓徒單氏卷九章宗大定二十九年修起居注姓完顏氏卷七十八劉仲誨傳大定時密雲

縣尉姓石抹氏上京博勒和原作技河人宣獻后姪

四人同名烏者原作盧古元妃兄也先代自國初世襲穆昆父博羅原作背魯官博

索路統軍使致仕忠義魁偉長髯喜談兵有大畧幼

從宗輔原作窩定陝西行間射中宋大將宋兵潰遂

知名從宗弼

原作兀朮

再取河南爲明安攻冀州先登攻

大名府力戰破其軍十餘萬渡淮克壽廬等州宗弼

稱爲將帥器皇統四年除博州防禦使學女直字及

古算法閏月盡通之職業修理郡中稱治一夕陰晦

囚徒謀反獄將校皆惶駭失措忠義令守更吏搥鼓

鳴角囚徒驚爲天曉不敢出咸自就桎梏海陵南侵

爲漢南路副統克通化軍至是由濟南尹入朝拜右

丞夏六月庚午進忠義平章政事兼右副元帥經

畧契丹先是幹罕

原作高幹

叛完顏默音討破之乃擁衆

貪鹵掠不進擊而縱其子色克暴橫軍中士卒解體

久無功忠義請討賊自効因召默音還勒色克歸本

貫以忠義代加封榮國公未幾契丹平語詳契丹諸

部叛亂事中師還拜右丞相冬十一月癸巳朔詔

忠義帥師侵宋以左副元帥赫舍哩原作統志寧副

之志寧本名薩哈連原作撒合輦亦作撒曷輦攷異汪輝祖金史同名錄云卷十四

宣宗貞祐三年樞密終中京留守卷六十四宣宗明

惠皇后傳哀宗時點檢卷六十五蠻睹傳孫猛安卷

六十九宗敏傳子褒本名舒王卷一百六高琪傳貞

祐初近侍局直長六人同名撒合輦又卷八十六獨

吉義傳大定初護衛司史原作胡人自五

同名撒曷輦姓隋滿氏原作上京和坦原作胡人自五

代祖太尉罕齊原作以來世姻王室父薩巴官開遠

節度使志寧沈毅有遠畧娶宗弼女宗弼最愛之皇

統間爲護衛海陵時累擢樞副開封尹契丹薩巴原作

八反布薩思恭原作僕等征討無功誅命志甯與白

彥敬討之至北京聞世宗有異志陰結會甯尹完顏

富色哩原作蒲等將攻之會世宗立遣使來招志甯

殺使者九人詔默音討之衆不肯戰乃降攷異通吉

南侵諸軍多逃歸而世宗在東京得衆心都統白彥

敬自北京使人陰結義共圖世宗及卽位義卽日來

歸具陳密謀帝嘉其不欺拜參政終益都尹紀未載

按義本名呼拉布原作鶻魯補哈斯罕人又卷七十

三丞相晏傳晏兄子奪命爲右監軍從忠義討平契

丹至是還自軍拜左副元帥經畧南邊是歲六月

戊子以南京留守赫舍哩良弼爲尙書右丞右副元

金史紀事本末卷三十二

帥良弼本名羅索

原作婁室

輝發

原作回怕

川人父太宇世襲

佛寧

原作蒲輦

徙宣寧天會中選女直字學生良弼在選

中希尹

原作兀室

稱為國令器由令史擢右司郎中參政

椿年薦歷參政

政異良弼傳椿年薦由右司郎中擢刑部尚書而椿年傳謂由大理丞為

右司員外郎所載互異按椿年本名烏頁納哈塔氏

歷官參政封譚國公諡忠辨見本傳又締達傳時女

直字設學校命訛離刺等教之其後納哈椿年斃石

烈良弼皆由此致相位而溫罕締達最號精深締達

官翰林學士轉左丞海陵侵宋諫不聽為右領軍大

承旨諡文成

都督世宗立改留守至是召為右丞

三年夏四月丁卯以參政李石為御史大夫封趙國

公五月辛卯朔右丞相忠義朝京師命兼都元帥

還軍時志甯與宋兵戰大捷復宿州忠義以書責宋
宋遣洪遵等來議前後貽書凡七宋託故未從乃移
軍壓淮境遣志甯率偏師渡淮取廬和等州宋人懼
而世宗亦思與天下休息詔忠義度宜以行語詳宋
人和戰事中 乙卯詔參知政事完顏守道按問大

興府捕蝗官守道本名實訥埒

原作習泥烈亦作習泥列攷異汪輝祖金

史同名錄云卷六世宗大定三年宿直將軍交聘表
作習泥卷六十五幹者傳大定時權副都統卷六十
一交聘表大定十七年右副都點檢四人同名習泥列

以祖希尹功擢應奉翰

林文字世宗立遷左諫議大夫進參政時契丹餘黨
未附者衆北京泰州臨潢民不安詔守道往招撫呼

敦紐赫等內附民以寧息 冬十一月甲寅進良弼

左丞以吏部尙書石琚爲參知政事琚字子美定州

人沈厚好學父皋補郡吏從棟摩原作閭母克青州諫止

虜掠隨守定州故焚叛民籍全活者衆琚博通經史

工詞章天眷二年中進士第一起家歷吏部侍郎世

宗舊聞其名及卽位擢左諫議大夫詳定制度拜參

政

四年夏五月己酉命參政石琚等於北郊望祭禱雨

壬子雨 壬戌左丞良弼至自征南元帥府秋七月

庚子以良弼爲平章政事 八月戊午以參政守道

爲尙書左丞嘗從獵近郊有虎傷獵犬帝欲親射之

守道叩馬極諫乃止是日以大興尹唐古安禮爲

參知政事安禮本名烏楞古原作幹魯古攷異董師中傳作訛魯古汪輝祖

金史同名錄云卷十一太祖時謀克三人同名幹魯古字子

敬好學知爲政大體累官臨海節度使大定初遷益

都尹地理志云臨海軍名本錦州縣三隸北徙大興

召爲參政

五年春正月己未宋和議成夏四月丁未右丞相忠

義還自軍五月壬子左副元帥志寧以召入見丁巳

進忠義左丞相加志寧平章政事還軍諭曰卿壯年

能立功如此朕甚嘉之南服尙須一往規畫

六年春二月丁亥左丞相忠義卒

攷異本傳作正月

帝親臨

哭奠賻贈加等命參政安禮護喪事諡武壯忠義動
由禮法謙以接下善御將士能得其死力及入輔知
無不言自漢唐以來外家未有兼任將相功名始終
如忠義者圖像衍慶宮配享世宗廟廷子揆是月
志寧還京師拜樞密使

攷異世宗紀作十二月

冬十一月丁

卯參政石琚以母憂罷

十二月丙申進良弼右丞

相監修國史封宗國公

七年春正月辛亥起復石琚爲參知政事尋進右丞

天長觀災詔有司營繕闢民居以廣大之費錢三十

萬貫

攷異元一統志云天長觀在舊城內有唐再修天長觀碑節度衙推劉九霄撰咸通中道士李

知仁

重募金明昌三年重建元貞二年重修有承

旨王鶚

碑與此所載不合姚牧菴集王處一寓海東

牟人大

定二十七年徵至燕京居天長觀帝問衛生

爲治對

曰含精以養神恭己以無爲雖廣成復生爲

陛下言

無易此蔚州采地草役數百千人琚奏之帝

者世宗

嘉之

曰自今

凡稱御前者當稟奏對曰聖訓及此百姓之

福也時

議禁網捕狐兔等野物累計其獲或至徒罪

琚奏曰

捕禽獸而罪至徒恐非陛下意請杖而釋之

帝曰然

夏四月壬辰加御史大夫李石司徒時安

化

軍名卽密節度使圖克坦子溫平章喀爾喀姪也

州縣四

金史紀事本末卷三十二

賊濫不法石劾之石奏事宰相下殿立俟良久旣退
或問石奏何久石正色曰正爲天下姦污未盡誅耳
聞者悚然 秋九月辛未參政安禮罷 冬十一月
太子生日宴東宮志寧奉觴上壽帝悅顧謂太子曰
天下無事吾父子今日相樂皆此人力也使取御前
玉大杓酌酒帝手飲之卽以玉杓及黃金五百兩賜
之以女下嫁志寧子諸神努皇女以婦禮謁見舅姑
坐受歡飲而罷

八年帝因常德暉言謂宰相曰朕思庶職多不得人
中夜而寤或達旦不能寐卿等注意選擇朕亦審加

體察良弼對曰女直契丹人須是會習漢人文字然方今多爲黨與或稱譽於此或見毀於彼所以難也帝曰朕所以密令體察也又曰明安穆昆牛頭稅粟本以備凶年凡水旱乏糧處就振給之

九年冬十月辛丑進拜良弼左丞相良弼爲相最久練達朝政帝所詢訪盡誠開奏垂紳正笏不動聲氣議論多稱帝意參政宗敘請置沿邊濠塹良弼曰敵國果來伐此豈可禦哉帝曰卿言是也詔以志寧爲右丞相十一月己未左丞守道擢平章政事右丞石琚爲左丞帝曰古有居下位能憂國爲民直言無

忌者今何以無之琚對曰是豈無之但未得上達耳

帝曰宜盡心采擇之 十二月丙戌以東京留守圖

克坦喀齊喀

原作徒單合喜攷異汪輝祖金史同名錄云卷一百完顏伯嘉傳貞祐四年前

韓州刺史卷一百十三哀宗時爲平章政事喀齊喀

上京連蘇海水人蒲捏子

攷異卷七世宗紀大定十四年勸農副使亦名蒲捏

人另一魁偉膂力過人皇統間由穆昆厯隴州防禦使

屢敗宋兵遷平涼尹擢左都監正隆末爲西蜀道都

統世宗立降詔撫諭表陳侵宋方畧許便宜從事屢

破宋吳璘軍語詳規取隴蜀事中陝西平詔書褒美

入爲樞副改留守擢平章封定國公

十年春正月甲戌以司徒李石爲太尉尙書令封平
原郡王進廣平 夏閏五月庚辰夏國王李仁孝請
分國之半以封其臣任得敬帝問宰相李石等請許
之帝曰此非仁孝本心不可從良弼議與帝意合旣
而夏誅得敬上表謝秋九月庚辰良弼丁憂起復如
故

十一年夏六月甲子平章喀齊喀卒賻贈有加遷其

孫薩哈武功將軍

原作三合攷異汪輝祖金史同名錄云卷四熙宗皇統元年左司郎

中被殺卷四十七食貨志大定二十一年猛安按卽
椿年子參謀合見傳卷一百三十二執中傳泰和六
年謀克卷八十二籤樞有傳卷一百十五崖立
傳天興三年元帥詳武仙傳六人同名三合

配享

金史紀事本末

卷三十二

八

世宗廟廷 冬十月丙寅左丞相良弼進睿宗實錄

時高麗國王覲讓國於其弟皓帝疑之間良弼對以

非覲本心其後趙位寵求以四十州來附其表果言

王皓弑其君覲如良弼策語詳高麗事中

攷異良弼傳時每旦

暮日色皆赤帝問何故對曰旦而色赤應在東高麗

當之暮而色赤應在西夏國當之願陛下修德以應

天則災變自弭已而夏與高麗相繼變作其言皆驗世宗紀未載

敘北征既還遣使迎勞賜弓矢玉吐鶻封廣平郡王

進金源賜宗弼所服玉帶

十二年夏四月丙寅右丞相志寧卒帝親臨其喪賻

贈甚厚諡武定圖像衍慶宮帝嘗曰志寧臨敵身先

士卒勇敢之氣自太師梁王未有如此人者也明昌
五年配享世宗廟廷

十三年冬十月丙子以前南京留守唐古安禮爲尙
書右丞先是安禮爲參政以事忤帝意出爲橫海節
度使數年不復召石琚對便殿從容進曰安禮忠直
久在外官帝然之遂自南京召爲右丞

十四年春二月庚午以太尉李石爲太保致仕尋卒
諡襄簡配享世宗廟廷世宗時尙書令凡四人張浩
以舊官守道以功圖克坦克寧以顧命石以定策他
無及者子獻可第進士歷戶部侍郎山東提刑使

攷異

元好問中州集石遼末狀元獻可字仲和世宗元妃弟大定十年進士歷州縣入翰苑終提刑衛王立以元舅贈特進道國公召還過故關山詩云過關天日正晴明誰道山神不世情遠客得歸心緒別隴隴間作斷腸聲

冬十二月戊寅進平章守道右丞相

以樞密副使圖克坦克寧為平章政事克寧本名錫

馨原作習顯攷異汪輝祖金史同名錄云卷一太祖天輔三年金備高麗官曷懶甸李堇一作石顯卷

一百十六官努傳天興二年內族卷一百九陳規傳

正大四年御史四人同名習顯又卷六十七景祖時

烏林答部萊州地理志云本宋東萊郡號定海軍縣

名石顯萊州五攷異輿地廣記云即禹貢萊夷春秋為萊國二漢為東萊郡後魏兼置光州隋改萊州亦曰東萊郡唐因之今縣四掖縣萊陽膠水即墨

人父和珍原作官汾陽縣五見地理志詳卷九節度使克寧資質渾厚寡言笑善騎射有勇畧因母舅

希尹薦熙宗時由符寶祇候歷忠順軍名今蔚州後改一名武安軍

縣五見地理志節度使其妻爲宗幹女嘉祥縣主海陵誅其

同母兄富勒堅原作蒲甲降克寧知滕陽軍今滕州縣三大定

初以都統從默音征契丹用其議召默音還以忠義

代討平之擢太原尹復從侵宋取楚州及淮陰縣和

議成改大名尹至是由樞副拜平章封密國公是

歲宋使張子顏等請更受書儀琚與安禮勸許之良

弼持不可守道等議合事遂寢由是終不復改攷異趙翼

劄記云孝宗嘗欲改受書儀遣范成大至金陳奏世宗不允後金遣完顏瑋賀宋正旦宋使人就館取書

而去瑋還杖一百除名見瑋傳次年劉仲誨來賀正旦宋仍欲變接書儀仲誨不可乃仍用舊儀已而金

金史紀事本末卷三十二十

使烏林答天錫來賀會慶節要孝宗降榻問金主起居帝不許天錫跪不起宰相虞允文請帝還內令使者明日隨班上壽見宋史孝宗紀及允文傳又金黃久約爲賀宋生日副使適宋館伴正使病欲以館伴副使代正使行事久約曰倘副使亦病則將以都轄掌儀等行禮乎竟令正使獨前行已與館伴副使聯騎見久約傳蓋儀節有關國體皆不肯自屈耳至使臣朝賀時均有山呼舞蹈禮金海陵愛宋使山呼聲使神衛軍習之見蔡松年傳金張曄使宋以世宗大行在殯受賜不舞蹈見曄傳是兩國使臣非國喪均舞蹈也按璋聘宋還被杖除名卽大定十四年事仲誨亦於是年冬被命使宋賀正旦均見世宗紀而交聘表張子顏劉密報聘求免良弼請詔朝官六品以起立接書繫之九月紀未載良弼請詔朝官六品以上外官五品以上各舉所知從之帝問宰相曰堯有九年之水湯有七年之旱而民不病饑今一二歲不登而人民乏食何也良弼對曰古者地廣人稀崇尚

節儉而又惟農是務故蓄積多而無饑饉之患也今地狹民衆又多棄本逐末耕之者少食之者衆故一遇凶歲而民已病矣帝深然之命有司懲戒荒縱不務生業者

十六年春二月己亥平章克寧罷爲東京留守以其女嫁爲藩王永成妃得罪克寧不悅求致仕故也妃時

以姦伏誅

十七年冬十一月戊戌以克寧爲平章政事進右丞安禮爲左丞左丞石琚擢平章政事封莘國公

十八年春正月庚戌修起居注伊喇傑言每屏人議

事雖史官亦不與聞無由紀錄帝問平章琚左丞安禮對曰古者史官天子言動必書使人君知畏也帝然之朝奏屏人議事記注官不避自此始 夏六月庚午左丞相良弼卒諡誠敏良弼性聰敏忠正善斷決出人意表雖起寒素致位宰相朝夕惕惕盡忠於國謀慮深遠薦舉人材常若不及居位凡二十年成太平之功稱賢相焉圖像衍慶宮改諡武定配享世宗廟廷伊喇造傳本名伊德爾契丹部人由令史歷陝州防禦使良弼欲致仕上問誰可代卿者曰伊喇造清幹忠正臣不及也召爲太府監進刑部侍郎改大理卿被詔更定制條成書十二卷奏進賜銀幣有差遷刑部尙書改西京留守徙臨洮尹卒官又良弼子哈達本作曷達亦作曷答卷九十八完顏

匡傳世宗時侍
正曷答另一人

秋八月丙辰進守道爲左丞相以

石琚爲右丞相九月癸酉以左丞安禮爲平章政事

參政伊喇道爲右丞道本名趙三其先伊實部人徙

咸平寬厚有大志以篤孝著名由令史歷戶部郎中

海陵謂其骨相異常必登公輔從侵宋爲長史世宗

立擢翰林直學士歷右丞致異鈕祐祿額特堉傳由

年入爲刑部尙書拜參政世宗嘗諭唐古安禮曰朕

思爲治之道考擇人才最難知額特堉所舉者頗稱

朕意又曰朕素知此人極有識慮貌雖柔而心甚剛

直所行不率易也進右丞兼樞副出爲上京留守章

宗立拜平章封芮國公諡成肅又蔚州程輝字日新

第進士二十三年拜參政承安元年卒諡忠簡性偶

儻敢言世宗屢稱之香河王蔚字叔文第進士歷參

政進右丞性通敏曉析吏事世宗稱其才幹鄴陰馬

惠迪字吉甫第進士歷中丞拜參政終南京留守
世宗喜其聰而樸實朝官少有如者均見本傳

十九年秋八月壬辰右丞相石琚致仕世宗屢稱其
知人曰琚爲相舉能其官嘗內燕琚在坐諸王竊語
世宗曰使我父子家人輩得安坐無事而有今日之
樂者此人力也乃歷舉數十事曉之皆俯伏請罪大
定間將立元妃琚曰元妃自有子元妃立東宮搖矣
帝悟而止二十三年卒諡文憲圖像衍慶宮配享世
宗廟廷

二十年春三月辛巳以克寧爲右丞相徙封譚國公
克寧爲相持正守大體不屑屑於簿書期會帝屢稱

乙 冬十一月丁巳右丞道罷爲南京留守尋入拜
平章政事

二十一年春閏三月癸卯以左丞相守道爲太尉尙
書令進克寧左丞相安禮右丞相封芮國公進封申
秋七月己亥以克寧爲樞密使守道復爲左丞相
二十二年右丞相安禮卒世宗稱其忠直且練習政
事無出其右者配享世宗廟庭

二十三年秋七月乙酉平章伊喇道罷爲咸平尹封
莘國公明年卒圖像藏祕省子光祖官左宣徽使
二十六年夏四月壬戌左丞相守道致仕自秉政以

來効竭忠勤明昌四年卒諡簡靖子珪襲穆昆璋第
進士五月甲申以司徒克寧爲太尉左丞相命輔
導原王屢請立爲皇太孫因侍宴稱爲忠實明達漢
之周勃帝嘗問史事奏曰臣聞古者人君不觀史願
陛下勿觀帝曰朕豈欲觀史比深知史事不詳故問
之耳初蘆溝水決久不能塞加封安平侯久之水復
故道帝喜獲感應克寧奏曰神之所佑者正也人事
乖則弗享矣報應之來皆曰人事帝曰卿言是也時
頗信神仙浮圖事故克寧及之

二十八年冬十一月癸丑辛太尉克寧第十二月

乙亥帝不豫命克寧兼尙書令封延安郡王與宰執
宿內殿章宗立徙封東平拜太傅加太師進封淄王
明昌二年卒諡忠烈圖像衍慶宮配享章宗廟廷攷
世宗朝丞相尙有完顏晏完顏宗憲烏古論元忠完
顏襄平章尙有完顏元宜完顏穀英完顏思敬蒲察
通完顏崇尹張汝霖左右丞尙有翟永固蘇保衡孟
浩張汝弼粘割幹特刺見沈炳震廿一史四譜此未
盡載蒲察通中
都路人諡成肅

金史紀事本末卷三十二

金史紀事本末卷三十三

黜封資政大夫 特賞內閣中書前江西峽江訓導萍鄉李有棠編纂

河決之患

世宗大定八年夏六月河決李固渡

方輿紀要云大名府魏縣東南

有李固鎮清淇合流於其側亦大河津渡處也

入曹州

續通考云曹州本唐濟陰郡大定八年城

爲河所沒遷州治於古乘氏縣領縣三濟陰定陶東明

黃河當克宋之初兩河

悉昇劉豫豫亡河遂盡入國境數十年或決或塞遷

徙無定因設官置屬以主其事沿河上下凡二十五

埽六在河南十九在河北埽設散巡河官一員而置

都巡河官六員後又特設崇樞上下埽都巡河官兼

金史紀事本末

卷三十三

十一

石橋使凡巡河官皆從都水監廉舉總統埽兵萬二千人至是河決李固渡水潰曹州城分流於單州之境

九年春正月遣都水監梁肅

本傳字孟容奉聖州人官參政謚正憲往

視決河河南統軍使宗室宗敘言大河所以決溢者以河道積淤不能受水故也今曹單雖被其害而所壞農田無幾今欲河復故道不惟大費工役亦卒難成功縱能塞之他日霖潦又將潰決則山東河患又非曹單比也且沿河數州縣興大役人心動搖恐宋人乘間構爲邊患肅亦言新河水六分舊河水四分

今若塞新河則二水合流如遇漲溢南決則害南京
北決則山東河北均受其害不如李固南築堤以防
決溢爲便帝從之 二月庚子以中都等路水免稅
又以曹單二州被水尤甚給復一年

十年春三月戊午拜宗敘爲參知政事諭曰卿昨言
黃河堤埽利害甚合朕意

十一年春正月丙申命振南京屯田明安被水災者

是歲河決王村

方輿紀要云卽今濮州治又州東北有石村

南京孟衛

州界多被其害

十二年春正月尙書省奏言水東南行其勢甚大可

自河陰縣名屬鄭州廣武山山在縣東北里見方輿紀要循河而東至

原武陽武二縣均屬開封府東明縣名屬開州等縣孟衛等州增

築隄岸詔遣太府少監張九思及赫舍哩邈小字阿卜薩

監護工作

十三年春三月尙書省請修孟津滎澤屬鄭州崇福埽

堤以備水患帝乃命雄武以下八埽並以類從事

十七年秋七月大雨河決白溝冬十二月尙書省奏

請修隄埽日役夫萬一千五百以六十日畢工詔以

工部郎中張大節及高蘇董其役於異大節傳河決於衛橫流而東滄

境有九河故道大節卽相宜繕隄水不爲害大節字信之代州五臺人第進士歷官震武軍節度世宗稱

其忠實又曰賦性剛直果於從政在王脩上子巖叟
亦進士終河東按察使沃塔忠本名蘇布蓋
進士終河東按察使沃塔忠本名蘇布蓋
州人由令史歷武寧節度均以政績稱

十九年秋九月因南京有司言增京埽巡河官一員

二十年冬十二月河決衛州輿地廣記云衛州戰國

屬河內郡魏置朝歌郡晉改汲郡東魏置義州後周
改衛州又爲修武郡唐曰衛州亦爲汲郡今縣四汲
縣其地屬及延津開封府京東埽瀾漫至歸德府遂

失故道勢益南行乃自衛州埽下接歸德府南北兩

岸增築隄防以捍湍怒并設歸德巡河官一員

二十一年冬十月以河移故道命築隄以備

二十六年秋八月戊寅尙書省奏河決衛州隄壞其

城帝命戶部侍郎王寂都水少監王汝嘉馳傳措畫

備禦既而河勢泛濫及大名遣戶部尙書劉瑋字本傳

王咸平人官巡視以寂不職黜爲蔡州防禦使攷異

續通鑑云寂與汝嘉徙衛州昨城寂不以拯災爲事

集衆網魚取官錢以致民怨坐貶而寂拙軒集所載

各詩謂羣言媒孽所致元好問中州集言之甚畧無

可取證按續通考云八月河決衛州隄壞其城遺官

巡視者專以網魚取官物爲事既而河勢泛及大名

於是州遺劉瑋行戶部事從宜規畫又遣王寂王汝

嘉徙衛州昨城縣所載又異又中州集云寂字元老

薊州主田人天德三年進士興陵朝以文章政事顯

終於中都路轉運使年六十七諡文肅有拙軒集北

遷錄行世元老專於詩其元夕感懷云殘夢關河鼃

禁月舊游燈火馬行春留別郭熙民云五年風雪黃

州國萬里關河渭水秋人共傳之子欽哉直哉鄰哉

俱爲能吏紀昀云寂所著北遷錄今失傳而好問所

選寂詩僅七首及附見姚孝錫傳後一首惟永樂大

典內所載寂詩文尙多各體具備清刻鏤露不愧作
者金代知名士見中州集者百數十家今惟趙秉文
王若虛二集尙有傳本餘多湮沒獨寂所編拙軒集
六卷足與濟南澄水相抗行俾讀者得以攷見金源
文獻之遺可爲寶貴矣又稱登天德二年第起家祈
縣令曾爲中都副留守其以人言去國尙在刺蔡州
時云冬十月命添設河防軍禁推排物力

二十七年春正月因尙書省言河慶安流請加鄭州

河陰縣聖后廟褒贈詔加號曰聖濟聖后廟曰靈德

善利之廟

攷異續通考云時河決衛州自衛抵清滄皆被其害詔劉瑋以戶部尙書兼工部尙

書往塞之或謂天災流行非人力可禦惟當徙民以

被其衝瑋曰不然天生五材遞相休旺今河決者土

不勝水也俟秋冬之交水勢稍殺以漸興築庶幾可

塞明年瑋齋戒禱於河工役齊舉河乃復故按正隆

二年東京水溢水與城等決入女牆石罅中湍激如

湧人惶駭世宗時爲留守親登城舉酒酬天水退貞

祐三年九月以河水決亦遣參政侯摯祭河神於宣
州興定三年八月地震遣禮部尚書楊雲翼祭社稷
均見續
通考
二月因御史臺臣言命南京沿河四府十

六州長貳官皆提舉河防事四十四縣令佐皆管勾

河防事或能捍禦及致疏虞隨時聞奏以議賞罰每

歲命工部官一員沿河檢視初衛州爲河水所壞乃

命增築蘇門遷其州治至明年水息居民仍還皆不

樂遷遣大理少卿康元弼字輔之雲中人官刑部侍郎見本傳按視請

修治舊城便從之攷異續通考云二十七年河決曹濮間瀕水者多墊溺朝廷遣康元

弼往相視其地水益而城在益中水易爲害請命於

朝徙之卒改築於北原曹人賴之二十八年議遷衛

州治以避河患既而以民不樂遷止勅自今河防官

司怠慢失律者皆重抵以罪似州治之遷係曹濮而

衛并未嘗遷也又云十二月工部言營築河堤用工
六百八萬餘就用埽兵軍夫外有四百三十餘工當
用民夫遂命夫役所五百里州府差顧於不差夫之
地均徵顧錢驗物力科之每工百五十文外日支官
錢五十文米升半仍命彰化節度使內族裔都水少
監大齡壽提控五百人往來彈壓先是河南提刑言
沿河居民多困乏逃移蓋以河防差役故也竊惟禦
水患者下過堤埽若土工從實計料薪藁椿杙以時
徵歛亦復何難今春築堤都水監初料取土甚近及
其興工乃造數倍人夫懼不及程貴價買土一隊之
間多至千貫又許州初料薪藁十八萬餘束既而又
配四萬四千是皆常歲必用之物農隙均科則易輸
納自今堤埽興工乞令本監以實計度一歲所用物
料並數折稅或令私買於冬月分爲三限輸納爲便
詔尚書省詳議以聞按歲用薪百一十一萬三千餘
束草百八十三萬七百餘束椿杙不與均見續通考

二十九年夏五月河溢於曹州小隄之北以奏報稽

遲詔切責之

章宗明昌四年冬十一月尙書省奏河平軍

卽衛節州治節

度使王汝嘉等言大河南岸舊有分流河口如可疏導足泄其勢及長隄以北亦有可歸納排淪之處其濟北埽以北宜創起月隄請遣本監官從汝嘉等同往相視庶免異議如大河南北必不能開挑歸納其月隄宜依所料興修帝從之 十二月命都水監官提控修築黃河隄

五年春正月尙書省奏都水監丞田櫟等言前代每遇古隄南決多經南北清河分流南清河北下有枯河數套河水流其中者長至七八分北清河乃濟水

故道可容二三分而已今河水趨北齧長隄而流者
十餘處而隄外率多積水恐難依元料增修長隄與
創築月隄也可於北岸牆村決河入梁山灤故道依
舊作南北兩清河分流然北清河舊隄歲久不完當
立年限增築大隄而梁山故道多有屯田軍戶亦宜
遷徙今擬先於南岸王村宜村兩處決隄導水使長
隄可以固護姑宜仍舊如不能疏導卽依上開決分
爲四道俟見水勢隨宜料理宰臣以灤議所關利害
非細請遣官覆視詔以知大名府事內族裔戶部郎
中李敬義充行戶工部事命參政胥持國都提控又

奏差德州防禦使李獻可及焦旭

本傳字明銳柏鄉人時稱能吏卒官

西京轉運使章宗初立爲御史劾奏太傅克甯丞相襄不應請車駕田獵帝命勿治見本傳同時鄴陰張

亨字彥通第進士終南京轉運使明達吏事漁陽韓錫字難老以蔭補官歷絳陽節度懿州鄧儼字子威

第進士官戶部尙書出知歸德府卒薊州巨構字子成登進士終橫海節度濟陰賀楊庭字公叟經義進

士卒官陝西轉運使宛平閻公貞字正之由進士同知武定節度入爲大理卿遷學士校定律令多所是

正金人以爲法家之祖云國史均有傳於山東當水所經州縣築護城

隄及北清河兩岸舊隄役夫修築嗣後集百官詳議

咸以爲黃河水勢變易無定非人力可以指使况梁

山淤填已高而北清河狹不能容兼所經州縣田

廬不一使大河北入清河山東必被其害應毋容議

事遂寢

攷異李愈傳愈時爲河南提刑使憲臺廉察以愈爲最入見帝稱其敢爲又曰愈論河決

事謂宜造官視護以慰人心其言良是明年改河平軍節度卒諡清獻有狂愚集二十卷字景韓絳州正

平人正隆中詞賦進士歷官刑部尙書

秋八月河決陽武故隄灌封

邱縣名屬開封府

而東詔同知都轉運使高旭及鈕祐祿奔

小字罕嘉努原作韓家奴

同往規措王汝嘉等杖七十罷職復命

參政馬琪往仍許便宜從事

琪本傳字伯玉寶坻人官參政性明敏習吏事

尤長於錢穀然客好利爲上所少通鑑輯覽云河決

陽武灌封邱東歷曹濮鄆范諸州縣界中至壽張注

梁山濶分爲二派由北清河入海南海派由南清河入

海從此南北分流不能復塞攷北清河卽今大清河

南清河卽泗水胡渭禹貢雖指云河滙梁山濶分二

派入南北清河自宋熙寧十年始尋經塞治至是復

行其道而河流又爲一大變矣議者謂金欲以宋爲

壑利河之南而不欲其北故不復治不知河自北而

南在漢已然觀武帝瓠子歌淮泗滿之文可知河之
入淮不自宋始宣房之舉力倍工堅故能終久不潰
宋熙寧時王安石用事任使非人施工苟且所以才
及百年卽大徙不可復塞也按王海云熙寧十年七
月河決澶州曹村元豐元年春修塞治以牲玉祭河
閏正月丙戌首事四月名埽曰靈平立廟曰靈津孫
洙撰記是年五月甲戌朔新堤成長百十四里河自
定武還北流羣臣表賀蘇軾作河復詩吾君仁聖如
帝堯百神受職河神驕帝遣風時胥持國與馬琪奏
師下約束北流夜起澶州橋

言已至光祿村周視隄口隄岸陷潰至十餘里外方
能取土而隄面窄狹僅可數步人力不能施雖成易
毀而中道淤澱地有高低流不得泄且水退新灘亦
難開鑿其孟華等四埽與孟陽隄道沿汴河東岸但
可施工者卽悉力修護則京城不至爲害琪又言都

水監員數冗事廢請罷各椽設勾當官二員其都散
巡河官入縣令廉舉人內選注從之未幾琪還朝奏
言孟陽河隄及汴隄已修築水不能犯汴城自今河
勢趨北來歲春首擬於中道疏決以解南北兩岸之
危遂命翰林待制鄂屯忠孝太府少監溫防充行戶
工部事修治河防尋命御史臺官體究河防利害

六年春三月以河防工畢參政胥持國等進官有差

宣宗貞祐三年夏四月單州刺史延札天澤言守禦

之道當決大河使北流德博觀

德州卽宋平原郡縣三博州卽宋平原郡觀

州卽景州縣六攷異輿地廣記云德州春秋屬齊秦屬齊郡二漢曰平原郡晉爲平原國隋置德州復爲

金史紀事本末卷三十三

八

平原郡唐同今縣二安德平原博州春秋屬齊秦屬東郡晉屬平原國宋分置魏郡後魏曰南冀州隋立博州唐改博平郡今縣四聊城高唐棠邑博平續通考云德州唐改平原郡後仍舊今隸山東西路領安德德平平原三縣博州唐博縣宋隸河北東路今隸大名府明升東昌府領臨清高唐濮三州聊城棠邑莘縣博平滄之地今其故隄猶在工役不勞水就下在平邱縣

必無漂沒之患而難者若不以犯滄鹽場損國利爲說則以浸沒河北良田爲解然河徙之後淤爲沃壤正宜耕墾收倍於常利孰大焉否則河南一路兵食不足而河北山東之地皆瓦解矣命議之

四年春三月延州刺史溫札薩克蘇

原作溫撒克錫

言近世

河離故道自衛東南而流由徐邳

邳州屬淮安府縣二攷異續通考云

齊州唐後廢屬泗州宋置淮陽軍
今爲州元領宿遷下邳睢甯三縣入海以此河南之

地爲狹竊見新鄉縣

屬衛輝府

西河水可決使東北其南

有舊隄水不能遵行五十餘里與清河合則由濬州
大名觀州清州柳口入海此河之故道也皆有舊隄
補其缺罅足矣如此則山東大名等路皆河南而河
北諸郡亦得其半退足爲禦侮之計進可壯恢復之
基

五年夏四月勅樞密院沿河要害之地可壘石岸仍
置散星椿陷馬塹以備敵

金史紀事本末

卷三十三

九

金史紀事本末卷三十三

金史紀事本末卷三十四

馳封資政大夫 特賞內閣中書前江西峽江訓導萍鄉李有棠總纂

章宗嗣統

世宗大定二十九年春正月癸巳帝崩皇太孫卽位

諱璟小字瑪達格

原作麻達葛攷異續通考云章宗生於此山世宗愛其山勢衍氣清

故以命名後改爲胡土白山建廟明昌四年八月册

山祥爲瑞聖公命有司春秋致祭通鑑輯覽又作瑪

達異顯宗嫡子也

攷異宗室表顯宗子七寧王琮本名承慶開府瀛王瑗本名罕都原

作名開奇霍王從煖本名阿林秘書監瀛王從憲

本名里市原作吾里補祕書監溫王价本名摩囉

敦原作謀良虎與章宗宣宗共七人按瑗名歡賄與

世宗子承升子璉同名續通考明昌中琮諡莊靖後

改莊諡劉氏生价作玠諡悼敏王氏生吾里補一名

琦諡懿劉氏生价作玠諡悼敏王氏生吾里補一名

金史紀事本末

卷三十四

封艾國公母孝懿皇后圖克坦氏致異大金國志

生后於遼陽母夢神授寶珠光焰滿室祔葬裕陵以

大定八年七月丙戌生初封金源郡王進原王二十

六年五月甲申拜右丞相十一月庚申立為皇太孫

致異劉祁歸潛志云時待制趙可當筆有云念天下

大器可不正其本歟而世嫡皇孫所請無以易者人

皆稱之及即位首擢直學士章宗紀末載本傳字獻

之高平人貞元二年進士翰林制誥多出其手其歌

詩樂府尤工號玉峯散人集元好問中州集載其使

高麗次來遠譯雪夕詩有媛老正思燕地玉辟寒誰

有魏臺金之句子述字勉叔承安中登科絳州梁襄

字公贊大定初進士官保大軍節度其賀章宗即仁

表云曾天子祖天子世嫡相承舜何人自強

不息又劉迎字無黨東萊人定十三年對策為當

時第一明年第進士官太子司經學士宗親重之章宗

立錄舊學勞賜其子國區進士

力行學

十二月乙亥世宗不豫遂攝政居慶和殿東

廡至是卽位 丙申詔免今歲租稅及歷年逋欠鰥

寡孤獨人絹一疋米二石二月甲子命學士院進呈

漢唐便民事及當今急務勅開登聞鼓院以達冤枉

戊辰詔宮籍監戶及奴婢悉放爲良丁丑增定百官

俸令有司稽考典故許引用宋事 是月宋孝宗內

禪子光宗卽位 夏五月壬子敕收錄功臣子孫量

材任使六月辛卯修起居注完顏烏哲等上書諫獵

納其言拾遺馬升上儉德箴乙未初置提刑司分按

九路兼勸農採訪事屯田鎮防諸軍皆屬秋七月辛

酉減民地稅十之一河東南北路十之二下田十之

三令農民於錢慳之郡所納錢貨許折粟帛

攷異續通考云

八月尙書奏河東地狹稍凶荒則流亡相繼竊謂河南地廣人稀若令招集他路量給閒田則河東飢民減少河南且無曠土從之九月又奏制諸人佃官閒田者免五年租課今乞免八年則或多墾從之辛

巳詔京府節鎮防禦州設學養士初立經童科九月

壬戌詔罷告捕亂言人賞制強族大姓不得與所屬

官吏交往冬十一月詔五品以上官各舉所知否則

坐以蔽賢罪并到任卽舉自代辛巳詔各路饑饉先

賑後奏十二月戊戌復置北京遼東鹽使司仍罷巡

鹽使

攷異續通考云章宗諭有司曰比回獵知百姓多有鹽禁獲罪者民何以堪令百官議鄧儼等

民計口定課民既輸乾辦錢又必別市而食
民財而徒增剪販者之利現鹽價減至每斤
三十八文乞更減去八文價賤易售美餘必多况
今府庫金錢約折錢萬萬貫有奇若量入為出必無
不足之患李晏等謂乾辦既非美名又非良法必欲
杜絕私煮盜販之弊乞每斤減為二十五文郭邦傑
等謂平灤瀕海及太原鹵地可依舊乾辦餘同儼議
王脩請每斤減為二十文罷巡鹽官徒單鎰則以乾
辦為便宰臣奏每斤官本五十文減為三十文似
為得中上遂命寶坻山東滄鹽每斤減為三十文餘
從所請乾辦鹽錢遂罷計減百八十五萬四千餘貫
未幾復加三文後遞加價七鹽司舊課歲入六百二
十二萬六千六百三十二貫有奇詔沿淮諸榷場聽
民以鹽
市易

章宗明昌元年春正月壬戌以王尉為尙書右丞完

顏守貞為參知政事本傳本名蘇頁襲祖古新穆昆同知西京留守章宗立召為刑

金史紀事本末

卷三十四

三

部尙書使宋賀生日還拜參政時帝銳意於治問漢
宣綜核名實之道施行果何如對以樞機周密品式
詳備帝曰行之果何如答曰在陛下勵精
無倦耳歷平章移知濟南府卒官謚肅
三月初設

應制及宏詞科辛巳詔修曲阜孔子廟學尋敕黨懷

英撰碑文親行釋奠禮北面再拜時攷異大金國志云

知政事謂有夏五月戊午拜天於西苑射柳擊毬縱

建儲勲也百姓觀攷異王暉西苑懷古和劉懷州韻云彩鳳簫

夜鏡裏蓬萊總好春行殿基存蕉作土踏錐舞歇草

留茵野花豈解興亡恨猶學宮粧一色勻又西園懷

古詩云錦摘西苑正隆修大定明昌事讌遊海露恩

波鰲抃首花翻瑤豔雪迷樓三千歌舞繁華歇一片

風煙慘澹愁興廢算來無五紀至今靈沼詠西周劉
景融西園懷古詩云與苑韶華自昔聞杜鵑聲裏過
天津殿空魚藻山猶碧水涸龍池草自春民樂當歌
身後曲弓彎不見舞時茵絳衣誰宮城外露濕胭

脂恨未勻均見秋澗集史學宮詞云寶帶香襟水府
仙黃族綵扇九龍船薰風十里瓊華昔日賀新成與蒼
采蓮劉秉忠游瓊華島詞云瓊華昔日賀新成與蒼
生樂昇平西望長山東顧恨滄溟翠輦不來人換世
天上月自虛盈樹分殘照水邊明雨初晴氣還清醉
却興亡惟有酒多情收取晉人腮上淚千載後幾新
亭見藏春詩集果囉洛納延詩云秋水清無底涼風
起綠波錦帆非昨夢玉樹憶清歌帝子吹笙絕漁郎
把釣多錢頭浣紗女猶恐是宮娥見納新金臺集按
金之項華島卽元萬歲山一日萬壽山至陶宗儀輟
耕錄謂金人厭勝築瓊華島之一土皆取
自塞外之山未免附會見日下舊聞考
奉太后幸慶壽寺攷異元會汾金史攷證云原本作
金章宗時所創並無壽慶按朱彝尊日下舊聞慶壽寺
明夢餘錄載雙塔寺卽金慶壽寺今據改
秋八月
乙酉詔設常平倉罷諸府鎮流泉務選才幹官爲刺
史戊戌帝謂宰臣曰何以使民棄末而務本以廣儲

金史紀事本末

卷三十四

四

蓄戶部尙書鄧儼曰今風俗侈靡宜定制制度辨上下

使服用居室各有差等用度有節蓄積自廣矣是

年以伊喇履爲尙書右丞

本傳字履道遼東丹王七世孫第進士歷參政刊修

遼史謚文獻致異元好問中州集履學易通太元精

陰陽厯數以蔭補國史掾歷禮部尙書特賜孟宗獻

榜進士預淄王定策功拜參政進右丞卒謚憲其史

院感懷詩曰不學知章乞鑑湖不隨老阮醉黃壚試

從麟閣諸賢問肯居蘭臺小吏無一戰得侯翰妄尉

長身奉粟媿侏儒禁城鐘定燈花落坐拊陳編惜壯

圖三子辨才武廟署令善才工圖克坦鎰爲參知政

部尙書楚材中書令所載較詳

事尋進右丞

本傳鑑該習經史時帝銳意治平鑑上

爲好惡輕忽小善不恤人言昔唐陸贄嘗陳隔塞之

弊九上有其六下有其三陛下能慎其六爲臣者敢

不愼其三哉上下之情通則綱舉目張矣帝嘉之紀

未載沈炳震廿一史四譜章宗朝尙書令徒單克寧

丞相谷清臣完顏襄宗浩平章完顏宗甯烏林答
原粘割訛特刺夾谷衡張萬公徒單鑑僕散揆完顏
匡僕散端完顏守貞左右丞王尉移刺履劉璋胥持
國董師中完顏膏楊伯通孫卽康獨吉思忠均見本
紀右丞相襄罷襄傳本名安原作俺昭祖五世孫初
宋擒楊思郭太尉師還累官右丞相任國公受顧命
輔章宗至是罷卒謚武昭南陽郡王攷異宗室表實
古納本作什古迺昭祖曾孫東京留守子阿魯岱原
作阿魯帶參政孫襄愿左丞相配享章宗廟廷按什
古迺亦作什古與宗望女昭甯公主同名續通考又
作釋古大金國志云是年夏國入寇嵐州又侵石州
載紀未

二年春正月甲寅始許宮中稱聖主二月壬辰敕親

王及三品官家毋許僧尼道士出入禁以太一混元

受籙私建菴室者

攷異續通考云承安元年幸天長觀建普天大醮禁屠宰七日無奏

金史紀事本末

卷三十四

五

刑百司權停決罰泰和七年幸玉虛觀按道家有三
正一教者龍虎山張氏所傳是也真大道教者始金
季道士劉德仁以苦節危行爲先不妄取於人不苟
侈於己五傳至鄺希誠見重於元憲宗授太元真人
太乙教者金天眷中道士蕭抱真傳太乙三元法錄
之術亦顯於元又王嘉字允卿名中孚改世雄字德
威後入道號重陽子咸陽人母姪二十四月而生遇
異人爲呂仙翁化身授口訣大定七年抵甯海立全
真觀弟子烏鈺嗣其教與譚處端劉處元邱處機繼
主宗盟以鍾呂劉爲三祖嘉爲祖師元贈重陽全真
開元真君烏鈺名玉甫甯海人號丹陽子譚字伯玉
甯海人號長春子劉字通妙東萊人邱棲霞人號長
春子大顯於元又孫仙姑號清淨散人甯海忠翊女
郝大通字太古甯海人號廣寧子王處一東牟人號
金陽子劉德仁滄州樂陵人郭志空章邱人李笈濟
南人張信真樂安人呂道章垣曲人李志方安陽人
又訾豆自號甯三月庚寅禁民庶不得服純黃銀褐
真子所載甚詳

色癸巳諭有司自今女直字直譯爲漢字國史院專

寫契丹字者罷之六月癸巳禁稱本朝人及本朝言

語爲番違者杖之冬十一月甲寅禁伶人不得以歷

代帝王爲戲及稱萬歲

攷異大金國志云上趙太后尊號壽福集百官大列妓樂

三月拜經童爲相經童者僧童也封監女爲貴妃內

庭事惟其言是聽外事惟乞兒李點檢主之朝綱不

正軍民皆怨西夏陷鄜坊州攻保安軍續通考云十

一月乙丑危宿在羽林軍上壘壁星下光芒明大紀

三年春正月丙辰以孝懿皇太后小祥尙書省請依

元年世宗忌辰例諸王陪位服慘素去金玉之飾百

攷異續通考云時孝懿后梓宮在殯太傅克寧

官不視事禁音樂屠宰從之

卒帝欲親爲燒飯張曄言而止又霍王從葬母早死溫妃石抹氏養之明昌六年溫妃卒曄奏慈母服齊

三年桐杖布冠禮也從彝近親至尊壓降與臣下
不同乞於未葬前服白布衣絹巾既葬祇用素服終
制朝會從王戊如春水攷異劉祁歸潛志云章宗春
古允之
扈從既得鵝索詩立進之詩云駕鵝得暖下陂塘綵
騎星馳入建章黃傘輕陰隨鳳輦綠衣小隊出鷹坊
搏風玉爪凌霄漢瞥目風毛墮雪霜共喜園陵得新
薦侍臣齊捧萬年觴趙名渢字文儒東平人大定間
進士官禮部郎中自號黃山篆書配黨懷英號黨趙
趙秉文稱其書法在蘇黃伯仲間著黃山集間詠亦
有復軒集曹班又有春瀾集二卷南宮呂宗孚字信
臣所著有清漳集均見續通考按文藝傳宗孚作中
孚冀州人清漳
作南漳又異
二月辛丑詔追復田穀等官爵三月

辛卯令檢勘前後所申孝義之人如有可用者具以
聞夏四月丙辰旱災下詔責躬罷不急之役省無名
之費汰冗員
攷異續通考云金朝官數大定末在任
官萬九千七百員四季赴選者千餘歲

數監差者三千明昌四年奏周歲官死及事故者六
百七十八人新入仕者五百一十見任者萬一千四百九
十九內文直四千七百五員漢人六千七百九十四
員至泰和七年在任官四萬七千餘四季赴部擬授
者千七百監官到部者七千二百九
十餘則三倍大定時矣所載甚詳
決滯獄五月癸

酉罷北邊開濠之役甲戌雨戊寅出宮女百八十三

人秋八月甲辰集百官問朝政得失及民間利害令

各書以對冬十月戊午命訪求博物多知之士

攷異大金

國志云主登極尊禮大臣講論經史至是除內侍江
淵爲內都知出入宮掖大受賂遺國體始弱矣紀未
載

四年春正月癸未命察舉官吏以德化爲先辛卯賑
河北諸路被水者癸巳諭點檢司行宮外地及圍獵

之處悉與民耕雖禁地聽民持農器出入

攷異續通考云明昌

元年詔瀕水民地已種蒔而為水浸者可令以所

在官佃對給五年十一月詔罷紫荆嶺所護園場

月庚午制定民習角觝槍棒罪

甲申幸香山永安

寺及玉泉山

攷異胡礪傳天會間大軍下河北礪為

十六年重修寺成賜名大永安章宗紀又書承安三

年七月幸香山泰和元年六月幸香山四年八月復獵五年

八月幸香山泰和元年六月幸香山四年八月復獵五年

山南濠集云香山寺亦名甘露上金剛殿後有古椿

六又上由畫廊登慈恩殿其右為香爐岡岡下有蟾

蛭石丹井又有夢感泉章宗嘗至其地夢矢發泉湧

旦起掘地果得泉後僧濬之遂隱劉侗帝京景物畧

云山多名蹟有葛稚川丹井金章宗祭星臺護駕松

碁盤石香爐石蔣一葵長安客話云今來青軒之前

兩腋皆疊嶂環列賓軒為章宗祭星臺其西南道上

章宗經此有松密覆因名護駕松日下舊聞考云蟾

蛭石即今蟾蛭峯丹井即今雙井香爐石即今玉乳

峯餘均無考宋啟明長安可游記云香山有乳峯石
時虛雲霧類匡廬香爐峯故名孫承澤北平古今記
云祭星臺或是元時祭通甲神之地號靈應萬壽宮
劉太保秉忠遺址明王衡緱山集詩云空潭落星辰
騰沙鬱四野不知何王碑隔坡問牧者王崇簡冬夜
箋記云香山又有碧雲寺元之碧雲菴遼耶律阿勒
彌所建明巨璫于經拓為寺經死魏忠賢重修均立
冢域後為御史張瑗奏毀劉友先玉泉山詩注章宗
構芙蓉殿於此山客話又云玉泉山頂有此
章宗行宮芙蓉殿故址章宗嘗避暑於此
辛巳諭諸路令月具雨澤田禾分數以聞
冬十二

月甲寅冊長白山神為開天宏聖帝
初有司言長白

山在興王之地服章爵號非在公侯上不足稱因冊
為興國靈應王勅每歲降香有司春秋致祭明昌四
年十月御大安殿用黃麾立仗復冊為開天宏道聖
帝所載較詳按大定四年禮官言嶽鎮海瀆當以五
郊迎氣日祭之詔依典禮以四立土王日就本廟致
祭在他界者遙祀封爵仍唐宋舊明昌六年詔加嶽

金史紀事本末
卷三十四
八

瀆王爵從沂山道士楊道令言也每歲遣使奉御署祝版奩香乘驛行禮是歲大有年

邢洛深冀河北十六穆昆之地野蠶成繭攷異續通考云天會

三年七月錦州野蠶成繭以絲綿來獻詔賞其長吏承安元年六月平晉縣民利通家蠶自成綿長七尺

一寸五分濶四尺九寸詔賜絹十疋所載甚詳

五年春正月己巳詔行區田法相其地宜務從民便

攷異續通考云先是武陟高翌上區種法且請驗人丁地土多少定數令種下省臣議令農田百畝以上

如瀕易得水地須區種三十餘畝多種者聽無水者從民便乃委各千戶謀克縣官依法勸率後竟不能

行紀又載承安元年四月行區種法民年十五以上六十以下有土田者丁種一畝丁酉詔

購求崇文總目內所闕書籍三月戊子置宏文院譯

寫經書攷異續通考云章宗立詔自今學士院詔誥並用四六等因溫敦伯英言命學官講經奏

和元年十月詔有司購遺書宜高價以廣搜羅詔藏

書家不願送官者官為賸寫畢復還之仍量給半直

四年十月詔親軍年三夏四月壬辰幸北苑致異

十以下令習孝經論語劉頴傳帝幸南苑苑中有唐

文有北苑詩見澄水集劉頴傳帝幸南苑苑中有唐

舊碑書貞元十年御史大夫劉忬葬帝見之曰苑中

不宜有墓以損本忬後賜乙卯幸景明宮董師中傳

歲三百貫改葬之紀未載乙卯幸景明宮董師中傳

字紹古常州人第進士官左丞通古今善敷奏練達

典制事精敏嘗言宰相不當親細故要知人才振

紀綱率謚文憲元好問中州集作邯鄲人皇統九年

進士直道自立雖性喜恢諧不害為國朝名相有漳

州人等疏諫不聽是月宋孝宗崩秋七月戊辰

獵於和濟格爾原作豁一發貫雙鹿是日獲鹿二百

二十二頴賜有差放異蔣一葵長安客話云大通橋

古詩源仰與高塚相錯傳是章宗故址劉侗帝京景

物畧云鹿園章宗故園也今為藍靛廠日下舊聞考

金史記事本末卷三十四九

藍旋殿有二處一在東直門外今西頂廣仁宮即其地一在東直門外即此鹿園遺蹟也 九月

戊寅勅尙書省集百官議備邊事命諸路并北準布

改異滿州語提擲也以六年夏會兵臨潢考異續通

舊作阻轄今譯改會兵用虎符初禮官言漢與郡國守相爲銅虎符唐

以銅魚符起軍旅易守長等用之至是斟酌前制其

符用虎分左右左右者留御前以親臣掌之右付招討

統軍官主之發兵三百以上及徵兵召易本司長貳

官從尙書省奏請左第一符近侍局囊封付主奏者

省臣錄聖旨與符函封用省印記之專帶牌馳送付

彼至則視其封以右符勘合然後奉行用後復封送

左符付使者送省衙進尙事急亦許先發後聞詔即

冬十二

月辛酉平章政事完顏守貞罷本傳守貞讀書通法

金有國七十年禮樂刑政因遼宋舊雜亂無緒帝欲

更正爲一代法其儀式條約多守貞裁訂故明昌之

治號稱清明喜推轂善類接引後進朝中正人多出入門下為胥持國等所忌故罷攷異續綱目守貞之罷載在六年冬畢沅續通鑑云守貞既罷相出守持國猶忌尋以在政府與近侍竊言宮掖事坐解職下詔切責其不以尼瑪哈鑑為參知政事本傳原名威公紀未載進士歷太子侍丞世宗稱其保護太孫禮節言動猶有國俗純厚舊風章宗立拜參政卒謚文恭

六年春正月庚戌罷陝西括地時北邊警慶州被圍

急招討副使裕爾伯特原作瑤里亭迭擊卻之夏五月庚戌

遣左丞相瓜爾佳清臣本傳原名阿卜薩罕都人討契丹侵宋均有功累官左丞

相密國公攷異汪輝祖金史同名錄云阿卜薩一作阿不沙卷八十六烏延查刺傳世宗時叛黨卷一百

二十一說里也傳其子官世宗行省事於臨潢府尋

遣使來獻捷清臣領軍出征令伊喇敏為都統完顏

金史紀事本末卷三十四 十

安國副之

攷異忠義傳伯特梅和尚秦州人官崇義節度時爲副統會敵入臨潢力戰被射死

贈龍虎上將軍護衛博克托等戰沒紀未載博克托

原作闕合土卷六世宗紀大定八年同簽大宗正賀

宋正旦闕合土另一人清臣傳時左衛將軍完顏充

與安國分左右翼與紀異又傳後作右衛將軍疑悞

按充於泰和間屢立戰功具載章宗紀而分領前隊

此事獨未之載又無本傳可證故補識之

自選精兵爲後隊進至哈里河前隊於栲栳樂攻營

十四下之回迎前軍屬部色徹掩其所獲羊馬資械

歸清臣遣人責其賅罰北準布由是叛去大肆侵掠

事聞降授橫海節度使是役也清臣首其事致北鄙

不甯者數歲天下尤之

安國傳時爲先鋒都統適屬部叛安國討定之遷本路招

討使紀

命尙書左丞瓜爾佳衡

本傳本名阿里布山東西路人第進士歷

未載

應奉翰林文字擢左丞改上京留守遷樞副進平章

英國公卒諡文獻致異汪輝祖金史同名錄云原作

阿里補卷六世宗大定十年戶部郎中卷七十一吾

扎忽傳大定時泰州押軍猛安卷九十移喇道傳大

定時同知雕州事均姓烏古論氏四人同名阿里補

又作阿里不卷一百十九仲德傳哀宗時元帥同名

將兵赴撫州地理志即鎮寧軍縣詔右丞相襄領行

省事敗敵於望雲遂率駙馬都尉布薩揆等進軍大

鹽灤地理志屬北京路隸臨潢府分兵攻取諸營時襄招降呼必

紇原作胡遣完顏充進次烏魯斯原作幹城尋命支

軍出東道自出西道東軍至龍駒河被圍襄馳救合

擊大破之敵奔幹勒嘉原作幹河遣完顏安國追躡

之衆散走凍死者十八九降其部長遂勒勳九峯石

壁

安國傳襄總師進安國兩路都統大捷於多泉子

彰

德治中舒穆魯元毅本名舒蘇以邊警改撫州刺史

士

第紀是月命減萬寧宮陳設九十四所志云京

城

北離宮有大寧宮大定十九年建後更為壽寧宮又

為

壽安明昌二年更為萬寧宮泰和四年萬寧宮端門

災

卽此張僅言傳護作大寧宮引宮左流泉溉田歲

獲

稻萬斛趙秉文有扈蹕詩見溢水集元史舒穆魯

明

安傳攻萬寧宮克之取富昌豐宜二門元遺山集

云

壽寧宮有瓊華島絕頂廣寒殿近為黃冠輩所毀

十月以歲幸春水秋山自今十日一進起居表

宋潛

溪集云金源之制歲以正月如春水九月幸秋山羣

臣一進起居表朱彝尊曰下舊聞云春水秋山疑無

定所春漁於水卽曰春水秋獵於山卽曰秋山云爾

顧炎武昌平山水記云州西二十五里有駐蹕山山

南有棲雲嘯臺高二丈許正北有石梯可上金章宗

建亭於此山下有石牀石釜今亡畿輔山川志云章

宗駐蹕處巖鑾駐蹕二大字又神嶺峯在灌石村西
北章宗游此以所飲酪漿洒石壁上至今猶白西南
有寒巖多奇花異草芹城小志云州東十五里有縣
山一名宜山祝穆方輿勝覽載有縣山寺金真定周
昂題詩云野闊羣山驚破碎雲低滄海認微茫潘自
牧記纂淵海云燕山自西山迤邐東來至玉田縣西
北延袤數百里直抵海岸翁文簡集云燕山去神京
百里明朝諸陵在焉更名天壽卽昌平縣東黃土山
也曹學佺名勝志云平谷縣城南五里逆流河西有
章宗看花臺遺阜又縣東二十里有望馬臺西北二
十里發箭臺皆章宗游獵處按平谷本漢縣屬漁
陽郡金大定末大王鎮升地理志作平峪問奇集云
峪讀如裕釋志朴盤山志云翁同山一名空同山在
薊州城北五里上有崔府君祠又呼府君山舊有日
照寺有圓覆法師舍利塔金大定九年進士孫設
撰記贊塔之東西有小石碣列建塔居士沙門姓名
寶字通志云避暑亭在薊州西
北五里相傳章宗避暑於此

承安元年春正月甲申大鹽澤羣牧使伊喇覲等爲

光嘉喇

原作廣吉刺

部兵所敗死之二月丁卯右丞相襄

左丞衡至自軍中己巳復命還軍 秋七月庚辰御

紫宸殿受賀賜諸王宰執酒敕有司以酒萬尊置通

衢賜民縱飲都人尋進酒三千二百瓶 乙酉命有

司收瘞西北路陣亡骸骨九月丁丑朔幸天長觀按

紀承安二年七月幸天長觀建普天大醮泰和元年

二月復幸三年十二月賜天長觀額爲太極宮攷異

山中白雲祠舊太極宮卽元大都長春宮棲霞邱處

機幼爲全真學於甯海崑崙山金宋二季徵召不赴

太祖自奈曼命近臣持詔求之入見屢以止殺爲戒

全活甚衆賜還與高弟十八人游漠北居燕長春宮

地化焉今都城西南白雲觀也見元史及于慎行穀

城山房筆塵李孟謙甘水仙源錄云時北平王粹字

子正遇長春弟子李志常北面執禮居長春宮孝元

堂嗜讀工文詩有陶韋風有十月風霜侵病骨數家

針線補殘衣之句從弟鬱亦工詩嘗以布爲囊采當
世名公卿詩投其中少居釣臺潛心述作李欽叔得
所著賦及碑大驚薦於諸公後爲兵殺見劉祁歸潛
志釣魚臺在三里河西北里許是金主游幸處見間
次齋集臺前有泉湧出不竭凡西山支流悉注此元
時謂之王淵潭爲丁氏園池元人游賞廣和極一時
之盛見劉侗
帝京景物畧 辛巳襄赴闕進拜左丞相封常山郡

王冬十月準布復叛命襄行省北京簽樞密完顏匡

行院撫州

攷異裕爾伯特傳時領步騎萬次懿州賊

捷聞遷一官

明年紂軍千餘剽掠錦懿之身中二創

間伯特敗之奪所掠還本戶紀均未載

十一月庚寅

特們特滿羣牧契丹圖卜蘇

原作德壽等據信州反

襄遣將討平之

攷異宏簡錄云襄命總管烏古論道

遠蒲察守純分道進討擒德壽等送

京師大金國志載在泰和

元年稍異詳卷二十六

二年春三月召左丞相襄還命參政裔行省北京未

幾北部復叛裔戰失律杖除名復命襄爲左副元帥

蒞師尋拜樞密使兼平章政事時襄遣宗浩出軍泰

州左丞衡出軍西北路以邀準布自率兵出臨潢頃

之色徹部族詣撫州降襄乃進屯默音埒里額穆爾

蘇

攷異宏簡錄作汚移刺烈烏滿掃

等山以逼之無何泰州軍與敵

接戰宗浩督其後殺獲過半諸部相率納款自是北

郵遂定

攷異宗浩傳章宗初北部光嘉喇屢入塞準布亦叛丞相襄謂破光嘉喇則準布無東顧

憂宗浩請先討光嘉喇時哈達濟與占楚瑋皆北方別部往來準布光嘉喇間連歲擾邊宗浩命主簿薩

招降光嘉喇期會於伊瑪河宗浩前軍至特爾格山遇占楚瑋軍斬千二百級俘車畜甚衆哈達濟占楚

璦二部長皆降乃移軍趨伊瑪大破必里克圖軍薩
等追躡及之幹里雅布水大破之博斯和九部請內
屬所載較詳又裕爾伯特傳三年從宗浩爲都統戰
伊瑪河及骨堡子西殺獲甚衆大金國志云是年大
旱山東澤潞寇盜屯結命龍虎將軍張天翼討之江
淵遣其弟源監軍兵敗天翼戰死時淵用事除拜生
殺皆出其口張克己等朝夕候門下軍報不時聞兀
朮子偉諫除名徙代州元聖武親征錄云時襄率兵
逐叛者北走帝聞之遂起兵幹難河迎討與戰於納
刺禿魯失圖之野獲大車金銀綳車各一遂授帝爲察
兀禿魯按帝卽元

秋八月丙戌以左宜徽使耆爲

尙書右丞見於字書疑謫余見曲阜孔廟石刻承安

四年三月泰定軍節度使兼兗州觀察使完顏肅祭

文後有孔元措跋曰相國完顏公自右丞出鎮沈郡

與章宗紀承安三年十二月右丞耆罷年月相合然
則耆卽育之謫說文耆用也從漚從自讀若庸石刻
作育隸體小變耳通鑑輯覽云音庸續綱目誤作膏
本名額里塔舊作阿里刺宗室也又備考內有耆字

金史紀事本末卷三十四

余頌切音用解作鼻知香云續通考云是年十二月遣戶部侍郎上官瑜體究西京逃亡勸沿邊軍民耕種戶部郎中李敬義規措臨潢等路農務章宗紀瑜作踰稍異

三年春正月丙辰如城南春水尋名都南行宮曰建

春

政異章宗紀明昌五年正月幸城南別宮即承安

稱別宮耳見日下舊聞考隱逸傳趙質字景道遼相

思溫後大定末舉進士不第隱居燕城南教授為業

明昌間章宗游春水過焉聞絃誦聲幸其齋舍見壁

所題詩諷詠久之召至行殿命之官固辭曰臣僻性

野逸志在長林豐草金鑣玉絡非所

願也上益奇之賜田千畝復之終身

三月壬寅始

權酷以助異續通考云大定初以國用不足權時權酷

旋權旋罷承安三年省臣以國用浩大復權之

冬十

月癸未行樞密院薩察等言請開權場於色勒年

原作

從之丁亥定官民存留見錢之數設回易務更

立行用鈔法攷異續通考云明昌四年八月因陝西提刑言令本路權稅及諸名色錢折交

鈔官兵俸許錢絹銀鈔各半若錢銀數少即全給交

鈔五年三月立存留見錢法令官民家見錢不過二

萬貫猛安謀克不過萬貫餘則易他物收貯告者賞

承安二年省臣議舊制銀每錠五十兩直百貫遂改

鑄銀名承安寶貨一兩至十兩分五等每兩折錢二

貫公私同見錢用尋罷太和二年十二月上以交鈔二

事召戶部尚書孫鐸侍郎張復亨議於內殿復亨以

三合同鈔可用鐸請廢不用自是國虛民貧經用不

足專以交鈔愚百姓而法又不行世宗之業衰焉
四年七月用戶部尚書上官瑜言請罷限錢法
十一月辛亥以邊事定大赦賜丞相襄以下將士金
幣有差攷異史稱北邊之警清臣首議出師遽以負
小利敗襄雖賢竭力而後勝其任然而兵連
禍結以終金世述襄之築壕塹以
自固其猶元魏北齊之長城歟

四年春正月辛酉復以張萬公爲平章政事封壽國

公本傳字良輔東阿人第進士歷官中外終山東安撫使謚文貞輔政八年薦拔廉讓之士性剛正典

章文物多所裁定元好問中州集載其登稷山清樹詩云問因推案朝還暮危坐不知春淺深今日簷間

看風色一株紅杏暗驚心宣宗紀帝言章宗秋還聞

平章萬公卒嘆曰朕遇將拜萬公丞相而遂不起命

也傳二月乙丑如建春宮春水帝政異類通考云時

未載蒲河至長河及細河以東朕常所經行宮爲和買其

地令百姓耕之仍免其租稅嗣後元兵至舒穆魯明

安會駐軍於此庚午御宣和門觀迎佛京景物畧云

見元史本傳潭柘寺去都城西九十里金碑二明昌五年僧重玉

記大定十三年楊節度建寺在晉梁唐宋代有尊宿

而唐華嚴爲著王衡緝山集云寺之兩殿鳴工絕金

元時故物也寺創於唐重飭於大定釋重玉有從顯

宗游龍泉寺詩云一林黃葉萬山秋鑿仗參陪結勝

游怪石爛熳躋玉上老松盤屈臥蒼虬俯臨絕壁安

禪室迅落危巖瀉瀑流可笑紅塵奔走者幾人於此
暫心休按重玉詩刻在延壽塔後龍泉寺即潭柘寺
距寺半里許有塔園僧塔五一日中都潭柘山龍泉
寺寶禪師塔皇孫祖敬撰大定二十八年休休道者
祖深建一曰渾源州永安禪師第一代歸雲大禪師
塔銘寂通居士陳時可撰郭恤建豎石一曰中都竹
林禪寺第七代奇和尚塔大聖安寺西堂傳法沙門
廣善銘大定十九年建一曰第九代了公禪師塔銘
大慶壽寺住持傳法沙門德順撰泰和四年門人善
瓊等建餘一石刻云故廣慧通理禪師之塔其碑字
已漫滅又雀兒菴在潭柘後山五里章宗幸此彈雀
彈發不虛帝喜為建菴曰雀兒今廢熊相薊州志云
隆福寺在州東六十里有金泰和三年呂卿雲葛山
重修隆福院記詞多不具載析津志云寶集寺唐時
建有石幢在佛殿前遼統和間沙門彥珪彥瓊宗景
重熙間慧鑑金天會時思愿智編大定間重輝承安
間志元音統領教門至元至正三年儀公被詔主寺
嘗承詔校金書藏典為撰續釋氏通鑑進諸嘉禧殿
上嘉歎之
明初寺廢
三月己亥戶部尙書孫鐸等始轉對香

閤鐸傳字振之歷亭人大定時歷同知檢院奏言上訴者皆因省斷不得直若上訴者復送省則必不行矣乞自宸衷斷之上然之詔凡訴者每朝日奏十事泰和末進參政改絳陽節度貞祐初卒

五月壬辰朔以早下詔責躬求直言理冤獄六月癸

未奉職酬和尙進浮漏水稱影儀簡儀圖命有司倣

造冬十月甲申初置審官院乙酉敕京府州縣設

普濟院十二月癸未更定科舉法攷異大金國志云

城南生徒甚衆主博學工詩五月在泰和殿賞牡丹詠詩云浴陽谷雨紅千葉嶺外朱明玉一枝地力發

生雖有異天工造物本無私九月趙太后薨遺命宸妃謂其家三四百口爲煬王所殺叢葬和龍欲創一

寺迫薦冥福遂下和龍府起大明寺建九級浮屠諫議胡列壁諫不省紀未載元好問中州集亦載牡丹

詩云泰和殿在雲龍川又道陵中秋賞月瑤光樓召文孺對御賦詩以清字爲韻詩云秋氣平分月正明

東瑤宮闕對蓬瀛已驅急雨消殘暑不遣微雲點大
清簾外清風飄桂子夜深涼露滴金莖聖朝不奏霓
裳曲四海謳歌卽樂聲道陵大加賞異手酌金鍾以
賜且字之曰文孺以此鍾賜汝作酒直士林榮之文
孺趙胤字也堅瓠集云章宗嘗詔錄馬嵬詩得五百
餘首付詞臣品第高德卿詩在高等詩云事去君王
可奈何荒墳三尺馬嵬坡歸來枉爲香囊泣不道生
靈淚更多周密癸辛雜識云章宗母乃徽宗某公主
女故章宗嗜好書劄悉效宣和字畫尤
爲逼真金之典章文物惟明昌爲盛

五年春三月辛巳定本國婚聘禮制夏四月丙午尙

書省進律義秋七月癸亥定居祖父母喪婚娶聽離

法冬十一月乙卯初定品官過闕則下制攷異大金

年蒙軍大舉深入至斯波川和龍帥完顏大康禦之
於東津愛王兵與之台自君子津濟十二月和龍陷
遂取東平灤三州次年三月蒙軍犯北部敗其衆於
骨立追至揚割城而還大興以北千里蕭條耕桑俱

金史紀事本末卷三十四 七

廢加以早嘆民
不聊生史未載

泰和元年春正月己巳更定蔭敘法頒行之

攷異續通考云

明昌初詔收錄功臣子孫量才於局分承應定品官
子孫試補令史格吏部言天眷中八品用蔭不限所
蔭之人貞元中七品用蔭方限以數乞依舊格五品
以上蔭一名六品蔭子孫兄弟二人七品仍舊格時
又以舊格雖有己子許蔭兄弟姪所以崇孝弟而新
格禁之遂聽讓蔭又定承蔭人試弓箭格至是用大
府監孫復言門蔭太濫更定其法頒行之六年以蒲
古烈圖刺完顏言僧皆死國事官其子所載較詳

二月壬辰去造土茶律夏五月戊寅削尊長有罪卑

幼追捕律六月己亥申風俗奢靡之禁秋七月辛酉

禁放良人不得應科舉子孫不在禁限甲子諭上書

人言及宰相者不得申省九月戊申朔更定贍學養

土法生員給田及粟有差冬十月壬寅勅有司購遺

書量給其直十二月丁酉司空襄等進新定律令敕

條格式五十二卷辛丑詔頒行之攷異刑志載新定律令三十卷敕條

三卷六部格式三十卷司空襄進詔以明年五月頒行之與此小異

二年秋八月丙申鳳凰見於磁州武安縣鼓山石聖

臺攷異續通考云是月石聖臺有大鳥十其羽五色

臺矚然高可逾人九子差小倚旁高四五尺禽鳥萬數如朝拱然俄有大鳥怒來搏擊羣以爲鳳凰也留

二日西北去事聞告宗廟詔中外周密癸辛雜識謂爲泰和四年六月事云鳳去村民疑臺下有異私掘

三尺餘石罅中直插金箭一取不能盡擊折得其半以火煨劍見火化飛蟬

蟬散飛去所載各異冬十一月甲辰更定德運

爲土臘用辰詔中外

三年夏四月己未命吏部侍郎李炳等詳定儀禮

夏五月壬申以重五拜天射柳上三發三中四品以

上官侍宴魚藻殿攷異禮志常以冬至日合祀天地

分朝日壇曰大明在施仁門外東南秋分夕月壇曰

夜明在彰義門外西北風師壇在景風門外西南歲

以立春後丑日祀雨師壇在端禮門外西南歲以立

夏後申日祀是日祭雷師於位下明昌六年帝未有

子行高禘之祀壇在景風門外與園邱東南相望歲

以春分日祀續通考云大定十一年郊祀定議以太

祖配享南郊前一日徧告祖宗其日備法駕鹵簿躬

詣郊壇行禮承安元年將郊命禮神之玉及燭玉皆

用真玉前郊祀黨懷英讀祝冊至帝名聲微下帝命

平讀之五年五月勅來日重五拜天服公裳者拜禮

仍舊諸便服者並用女直拜按女直拜先袖手微

身稍復却罷左膝左右搖肘若舞蹈狀凡跪搖袖下

拂膝側左右肩者凡四如此者四跪復以手按右

膝單跪左膝而成禮國言搖手而拜謂之撮速

六月戊申定職官追贈法 冬十月戊戌日將暮赤

如赭己亥大風甲辰申酉間天大赤夜將旦亦如之

亥異大金國志云四年三月中天以北其色殷紅如
血司天奏十年後主天下大亂主怒責之畢沉續通
鑑云時杜時昇知天文謂所親曰吾觀正北赤氣如
血東西亘天天下當大亂亂而南北合爲一因南渡
河隱居嵩洛山中續通考云明昌三年十二月丙申
北方微有赤氣泰和四年二月丁卯日出無光五年
九月戊子西北方黑氣間有赤氣如火又西南正南
東南皆赤中有白氣貫徹旣而風雨二更黑雲間赤
氣復起往來游曳內有白氣數道其赤氣又滿中天
約四更始散六年正月北京申龍山縣西見有雲結
成車牛行帳之狀前後摧損時乃散九月己酉夜
將曙北方有赤白氣數道歷王良下徐行至北斗開
陽瑤光之東而散所載甚詳

四年春二月庚戌始祭三皇五帝四王尋詔定帝王

合致祭者

攷異續通考云金制前代帝王三年一祭於仲春之月伏羲陳州神農亳州軒轅涿

州少昊兗州顓頊開州高辛歸德府陶唐平陽府舜

禹湯河中府文武東京兆府泰和三年省臣奏開元禮

祀古聖王請御署自漢高下二月二十七帝不署平章鑑

等議降祝版又請署從之三月詔定前代帝王合致

祭者省臣奏三皇五帝四王已行三年一夏四月丙

祭禮若自夏太康十七君致祭爲宜從之

申詔定縣令已下考課法衣服制秋八月庚子命完

顏綱等編類陳言文字凡二千卷九月壬申定屯田

戶自種及租佃法

攷異續通考云五年二月上先問諸路括地時其間屯田軍戶多冒

名增口以請官地及包取民田民有充輸賦稅虛拋

物力者至是省臣言若復遣官分往追照案憑訟言

紛紛何時已乎遂令虛抱稅石已輸送官者命於

稅內每歲續扣之時主兵者言比歲征伐兵多敗餉

蓋屯田地寡無以養贍至有不免饑寒者故無鬪志

願括民田之冒稅者分給之則戰士氣自倍矣廷議

已定平章張萬公疏言五不可不報時又括官田以給軍保州節度張行簡疏陳此者括官田給軍既一定矣有告欲別給者輒從其告至今未已名曰官田實取之民當限以日月不許再告爲便省臣請實有水占河竭不可耕種者下按察司覆同然冬十月甲後改撥餘準已撥爲定制可所載甚詳

午定私謙法令親軍均習孝經論語

五年春三月癸亥更定兩稅輸限改異續通考云三

粟麥三百里外減五升以上每三百里遞減五升粟

折秬百稱者百里內減三稱二百里內減五稱不及

三百里減八稱三百里及輪本色藁草減十稱九月

諭宰臣曰十月民穫未畢遽令納稅可乎改秋稅限

十一月爲初中都西京北京上京臨潢陝夏六月丁

酉制定本朝婚禮冬十一月乙未初定武舉格攷異

考云金武舉始於皇統時至承安四年十一月許諸

色人試武舉其制則詳於泰和式有上中下三等又

金史紀事本末卷三十四 三

依蔭例問律一條孫吳事十條能說五者為上等否
則黥餘為中下等願再試者聽凡不知書者雖上等
為中中為下泰和六年九月勅省臣有方畧出眾武
藝絕倫工幹辦事工巧過人者其招選之貞祐三年
武舉中者同進士例賜勅命章服又隨處武舉入試
者遣詣京師別為一軍備緩急詔近臣舉良將興定
二年四月特賜溫迪罕繼
住等一百四十人及第
己亥更定宮中局署承應
收捕格攷異大金國志云正月完顏天穆與蒙軍戰
蒲伏虎烏倫大漠收眾天都山不甚敗二月蒙軍退
三月陷末波城出白道殺三戌將及千戶賀拔禾四
月自飛狐道回河東嵐代二州皆震十二月蒙軍分
二道一自白檀一自靡陂羣臣請遷都避之徐王律
明等大敗僅以身免夜入長秦城
蒙軍尋聞西夏之警乃去紀未載
六年春正月辛丑更定保伍法攷異續通考云上以
裂不行其令結保有匿姦細盜賊者連坐宰臣請從
唐制五家為隣五隣為保城置坊正鄉置里正催督

賦役勸課農桑又有主首壯丁巡警盜賊猛安謀克
設寨使寺觀設綱首凡坊正里正以其戶十分內取
三分富民出願錢募充人不得過百貫役不得過一
年又大定初舉國戶纔三百餘萬二十七萬戶六百
七十八萬九千四百四十七萬五千四百零
明昌初戶六百九十三萬九千四百四十七萬
萬七千九百時戶口數如此而粟祇五千二百
六萬一千餘石除官兵二年之費餘驗口計之日月
食五斗可為四十五日之食上以蓄積不多力農者
少詔百官議務本廣儲之道太和七年冬戶七百六
十萬四千四百零口四千五百八十一萬六千零
戶增大定時百六十二萬二千七百一十五口增八
百八十二萬七千六十夏五月癸巳山東路災赦死
五此金版籍之極盛也

罪以下秋八月乙亥赦唐鄧穎蔡宿泗六州免今年

租稅三分之一冬十一月庚子初定茶禁

攷異續通考云金茶

自宋歲貢外皆貿易於宋界榷場大定十二年冬定
榷場香茶罪犯法十六年以私販茶者多乃更造香

茶罪賞格承安三年秋以茶費國用而資敵命設官
製之時賈鉉疏論山東採茶事謂茶樹隨山皆有一
切護邏已奪民利又以揀茶樹執誣小民嚇取貨賂
宜嚴禁止四年春淄密海萊州各置一坊造新茶
依南方例每斤爲袋直六百文命各司縣鬻之買引
者納錢及折物各從其便尋禁山東造賣私茶泰和
元年二月去造土茶律四年令每袋價減三百文五
年春罷造茶之坊六年冬省臣奏茶非必用之物上
下競嗜市井茶肆相屬商旅以絲絹易歲費百萬若
不禁恐耗財彌甚遂命七品以上官其家方許食茶
仍禁販賣及饋獻不應留者以斤兩定罪賞宣宗末
年因省臣言制親王公主及現任五品以上官蓄者
存之不得賣餽餘人并禁之
是日日斜有流星二
犯者徒告者賞所載較詳

光芒如炬幾及一丈起東北沒東南

攷異續通考云

月暈圍太白熒惑二星九月月癸丑夜半有流星如太
白色赤起於婁宿明年正月丙戌月有暈圍歲鎮二
星在參畢間紀未載日下舊聞考云是年詔建昭烈
武成王廟其制如唐舊禮按唐書禮樂志開元十九

年始置太公尙父廟以張良配春秋上戊祭之以古
名將爲十哲坐侍後廢至是復祀迨明洪武中令武
成王從祀帝王廟罷其舊廟仍去王號廟祀遂廢

七年夏六月己酉以山東盜制同黨能自殺捕出首

官賞格秋九月壬寅敕女直人不得改爲漢姓學南

人裝束攷異續通考云章宗時詔臣庶名犯古帝姓
及同者禁之又定皇族收養異姓男爲子者

徒三年姓同者減二等
定以國姓賜功臣賞法

八年春正月癸酉收毀大鈔行小鈔攷異孫鐸傳上
言乞罷諸路鈔

局惟省庫仍舊小鈔無論路
分可令通行上命速行之夏六月癸未免河南山

東陝西六路今年夏稅河東河北大名等五路半之

乙未定服飾明金象金制秋七月乙巳詔頒捕蝗圖

於中外更定生發坐罪格冬十一月丁未勅諭臨潢

秦州路脩邊備丙辰崩葬道陵謚憲天光運仁文義

蒲察氏諡欽懷攷異太祖陵白睿陵太宗恭陵苗耀

神麓記太祖葬秦陵太宗豫陵按太祖太宗後雖改

葬大房山名仍其舊苗氏所載與史不同或者其初

擬名也見徐乾學讀禮通考又熙宗初葬於費摩后

墓中貞元三年改葬大房山蓼香甸大定初追上諡

號陵日思陵二十八年改葬峨嵋谷陵名仍舊湯王

葬於大房山鹿門谷諸王兆域中後改葬山陵西南

四十里睿宗號景陵顯宗號裕陵均在房山世宗

葬興陵章宗葬道陵宜宗葬德陵明因我朝龍興

克遼東惑形家言劇斷房山地脉建關廟於其地為

厭勝術明亡始命修復焉儲懽大房金源諸陵詩云

奉先西下亂山侵澗道何旋入暮林翁仲半存行殿

跡莓苔盡蝕古碑陰秋山春水風煙換大定明昌德

澤深却是宣和解亡國穹廬黃屋恐非心見柴墟集

金史紀事本末卷三十四